

Hafnarfirði 9. september 2014

Háttvirtu viðtakendur,
Vatnsveitustjóri Dagur Jónsson.

Efni: Hönnun og gerð Vatnspósts af nema/nemum Iðnskóla Hafnarfjarðar að undangenginni samkeppni innan skólans. Samstarfsverkefni þriggja aðila; Hafnarfjarðarbæjar-Vatnsveitan, Iðnskóla Hafnarfjarðar og Hátíðar Hamarskotslækjar.

Vatnspósturinn verður settur upp í Hafnarfirði af hálfu Vatnsveitu Hafnarfjarðar, og listaverkið verður merkt hönnuði. Ákvörðun um staðsetningu vatnspóstsins er unnin með samstarfsaðilum, og kemur fram í lýsingu hönnunarkeppninnar. Þriðji samstarfsaðilinn er Hátíð Hamarskotslækjar, sem stendur fyrir dagskrá þann 14. des. n.k. Undir formlegum dagskrárlið yrði hönnunarsamkeppnin og samstarfið sett formlega af stað. Afhending verksins færi fram formlega ári síðar í desember þriðja í aðventu 2015 á Hátíð Hamarskotslækjar.

Undirrituð hefur staðið fyrir Hátíð Hamarskotslækjar á hverju ári í desember, til þess að halda á lofti þeim merka menningarþætti Hafnarfjarðar, að við Hamarskotslæk er stofnuð fyrsta almennisrafveita landsins þann 12. desember 1904 af Jóhannesi J. Reykdal. 14. desember næstkomandi verður hátíðin haldin í fimmta skipti og þá verða 110 ár frá því að Jóhannes J. Reykdal kveikti rafljós í 16 húsum í Hafnarfirði.

Hátíð Hamarskotslækjar er skipulögð af Steinunni Guðnadóttur sem fengið hefur ýmsa aðila til samstarfs og notið stuðnings margra aðila með vinnuframlagi og styrk. Undirrituð hefur verið frá upphafi í samstarfi við Halldór Árna Sveinsson kvikmyndargerðarmann, sem tekið hefur upp allar Hátíðir Hamarskotslækjar, viðtöl tengd upplýsingaöflun og sýnt kvikmyndabrot sl. tvær hátíðir.

Þann 14. desember eða þriðja í aðventu eins og verið hefur undanfarin ár verður Hátíð Hamarskotslækjar haldin með ýmsum dagskráratriðum. Drög að dagskrá er sett fram með það í huga að allir dagskrárliðir geti orðið að veruleika, en það er háð styrkveitingum.

13.00 Víðavangshlaup 10 km. Eins og undanfarin ár, þá er hlaupið Kaldárhlaup og hlaupaleiðin er meðfram vatnaleið Hamarskotslækjar. (sjá Hlaup.is)

14.00 Verðlaunaafhending í Víðavangshlaupi fer fram á sviði Jólaborpsins að hálfu Grílu.

16.00 Ljósaganga hefst við Reykdalsstíflu.

17.00 Ljósaganga endar við svið jólaborpsins, Kór á sviði sem syngur og stjórnar samsöng.

18.00 Frumsýning kvikmyndar og rafbókar. Kynning á mynjagrip hátíðarinnar.

Formlegur vettvangur að setja af stað önnur samstarfsverkefni.

Undirrituð kom að máli við skólastjóra Iðnskóla Hafnarfjarðar sem tók jákvætt í margþætt erindi fulltrúa Hátíðar Hamarskotslækjar. Hönnunarkeppnin yrði einn liður í formlegri dagskrá Hátíðar Hamarskotslækjar kl. 18.00 þann 14. des. 2014.

Hér með er óskað eftir samstarfi við Vatnsveitu Hafnarfjarðar við áðurnefnda samstarfsaðila og uppsetningu listaverksins.

Með vinsemd og virðingu,
Steinunn Guðnadóttir
Hátíð Hamarskotslækjar
Birkiberg 18,
221 Hafnarfirði
steinunn.g@simnet.is